

# Við Gróttu

Sjá myndband við þetta lag á Tónlist.is [HÉR](#)

Lag og texti: Bubbi Morthens

Í rauðbláu húmi sólin sest niður  
yfir sjónum er miðnæturfriður  
þar er vitinn sem vakir allar nætur.  
Varlega aldan snerti okkar fætur.  
Sporin í sandinum hverfa eins og árin  
eins hefur gróið yfir gömlu sárin.

Og jörðin hún snýst um sólina, alveg eins og ég  
og jörðin hún snýst um sólina, alveg eins og ég.

Dimmblá skýin skreyta sjónarhringinn.  
Þú skoðar sem barnið þarabynginn  
og hlátur þinn fyllir mig fögnuði þess  
sem finnur að lífið hefur valið honum sess  
við hlið hennar allt þar til lífinu lýkur.  
Að lifa með henni það er að vera ríkur.

Og jörðin hún snýst um sólina, alveg eins og ég  
og jörðin hún snýst um sólina, alveg eins og ég  
jörðin hún snýst um sólina, alveg eins og ég.

Svo loka ég augunum örlitla stund  
augnablikið á sinn hljóðláta fund.

og hjartað hvíslar ástin er göldrótt  
og hafið verður eitt augnablik hljótt.  
ást okkar er orðin stór og sterk.  
Ég elska þig mitt fallega furðuverk.

Og jörðin hún snýst um sólina, alveg eins og ég  
og jörðin hún snýst um sólina, alveg eins og ég  
og jörðin hún snýst um sólina, alveg eins og ég  
jörðin hún snýst um sólina, alveg eins og ég.

Lagið má finna á eftirtöldum útgáfum

- Bubbi - Sól að morgni (2002)
  
- Ýmsir - Megamúsík, séð og heyrt (2002)
  
- Ýmsir - Óskalögin 10 (2006)
  
- Bubbi ; Stríð og friður - 06.06.06 (2006)\*
  
- Bubbi ; Stríð og friður - Góð verk 07 (2007)
  
- Bubbi - Bubbi og Stórsveit Reykjavíkur (DVD, 2008)\*
  
- Bubbi - Sögur af ást landi og þjóð 1980 - 2010 (2010)